


OKUHOOLOLA ONDJILA



Ngeenge hatu i koima kwonhumba inatu enda ko ngehe twa dalwa, ohatu pula kutya ohatu i nondjila ilipi. Ohatu i nee mondjila nomesho a pashuka taa tale nawa, nongeenge twa koneke kutya ondjila ei twa kufa oya puka, ohatu i aluka tu ka konge ondjila ei ya yukilila.

Keshe efiku fye naove otu li mondjila ya taulula ounyuni ya yuka koukwaalushe, ya yuka koukwaalushe oo itau xulu noitau dulu okulunduluka ngeenge twa fiki ko. Ou shii kutya oto i peni?

EMBO OLO TALI TU ULIKILE ONDJILA

Kalunga, mohole yaye nomonghenda yaye okwe tu pa embo loku tu ulikila ondjila, Ombibeli, oyo tai tu ulikile nawelela ondjila yokuya keulu. Eendjovo da yandwa mokafo aka omo da dja membo olo. (Eps. 119:105). "Ondjovo yoye oyo olamba yeemhadi dange."

ONDJILA YA MBWALANGADJA

Mondjila ei otamu endwa kovanhu vahapu. "Indeni mu pite moshivelo sha

finana. Osheshi oshivelo oshinene nondjila oya mbwalangadja ei tai twala mekano, ndele ava tava i mo ovahapu. Omesho avahapu ovo tava ende mondjila ei okwa pofipala. Kave shii ile inava yavala kutya otava ende mondjila tai twala kefyo. “Oku na ondjilaya yuka momesho omunhu, ndelenee exulilo layo eendjila defyo.” (Omayel 14:12). “Mwaava ve he na eitavelo, eendunge davo da twikifwa kukalunga kefimbo lounyuni eli. (2 Kor. 4:4).

OMITENGI

Ovanhu ovo tava ende nondjila ei otava ende ve na eembuda da petama komatimba “Osheshi aveshe ova nyona, ve he na oshinge shaKalunga.” (Rom. 3:23). Koshipala shaKalunga itatu dulu nande okuholeka nande okatimba nande naka kale kanini. **Ove na omitengi da mangelwa keembuda davo nomalyenge.** Fye naove kape na nande omuve ou ta dulu okulimangulula ketimba, nande nali kale linini keenghendabala daye mwene. Alushe omutengi otau ende tau djuupala. “Osneshi ondjabi youlunde oyo efyo.” (Rom. 6:23).

OLUVADI

Oluvadi olo li li mefano, otali yeleke **etokolo** laKalunga. “Nongaashi ovanhu va ufilwa ve na okufya lumwe aluke nokomesho etokolo.” (Heb. 9:27).

OMUNDILO

Molwaashi Kalunga omuyapuki nomuyuki, ope na okukala ehandu lokuhandukila oulunde. Eendjovo daKalunga otadi tu lombwele nokutya oku na oheli, onhele yehandu laalushe okuhandukila ovo ihava dulika kuKalunga. Ombibeli otai ti: “Omwene okwe lishiivifa, nehandutokolo laye okwe li mana, omulunde e likwatifa koilonga yomake aye mwene. (Eps. 9:17). Ino lisheshifa okuya kuKalunga molwaashi u na amatimba mahapu — ota tambula yo naavo ve mu dimbwa. Ndele Kalunga oye yo Kalunga kohole “osheshi ina hala pa kane nande umwe, ndele aveshe ve lialuluke melidilululo.” (2 Petr. 3:9). Monghenda yaye inene nomohole okwa ninga po ondjila yokuya onhapo e i ningila aveshe ovo va hala shili oku i tambula. **Owa hala okumona ondjila yomwenyo?**

ONDJILA YOMWENYO — OMUXUPIFI

Molwaashi itatu dulu okulimangulula komatimba etu fye vene ile okuya onhapo ehandu la yukila ko molwoulunde wetu, **Kalunga okwe tu tullila po omumangululi.** “Osheshi osho Kalunga a kala e hole ounyuni, Oye a yandja Omona waye Ewifa, opo keshe ou te mu itayeke, a ha kane ndelenee a kale e na omwenyo waalushe. Osheshi Kalunga ina tuma Omana waye mounyuni a tokole ounyuni, ndelenee ounyuni u xupifwe kuye.” (Joh. 3:16). Kalunga Tate womeulu, okwa tuma Omana waye Ewifa, Omwene wetu Jesus Kristus, a dje meulu e uye mounyuni. Okwa kala ngaashi omunhu, ndele ina nyona nande osha. Apeshe opo a enda okwa kala ta longo oilonga iwa: ta velula ovanaudu, ta velula ovanaulepela, ta te mo eemhepo da nyata, ta yandje ekufilo lomatimba kwaavo ve lidilulula ndele ta hongo ovanhu okushiiva Kalunga.

Ndele oshilonga shaye shinini oshe mu ningifa a kale ngaashi omunhu, osha li okufya komushiyakano e tu file atushe: opo e tu pe omwenyo wave u he na etimba, wopakalunga, Ye a tileshi ohonde yaye i na ondilo a fute etimba letu. Okwe liyandja kovakaenakonashanakalunga ve mu ninge ngaashi va hala, fiyo ombuda yaye otai kala i yadi omadidimika ohonde, ndele fiyo otave mu dike oshishani shomakiya, fiyo otava pamhele eembosha momake aye nomeemhadi daye eshi ve mu valela komushiyakano, oko a kala a endjelela mouyahame munene. "Oye ou a humbata ye mwene omatimba etu molutu molutu laye noku a londeka komushiyakano, opo tu longele ouyuki, eshi twa fya mo moulunde." (1 Pet. 2:24). Oye e ku fila nokwa fila nge yo.

ENYUMUKO LAYE

Konima yomafiku atatu mombila, Jesus Kristus okwa nyumuka koufi. Okwa popya novahongwa vaye, ndele konima yomafiku omilongo nhee okwa londa a ya meulu, ndele ta kala omutumba kolulyo laKalunga Xe, omumangululi e na eenghono adishe... meulu nokombada yedu." (Mat. 28:18). "Onghee hano ota dulu okuxupifa shili ava tava ehene kuKalunga mokweenda muye, shaashi oku na omwenyo waalushe, e va ilikanene." (Heb. 7:25).

EULU

Eulu oyo onhele omo mu na Kalunga moshinge shaye shefimano. Omwene Jesus ota ti: "Meumbo la Tate omu na eendjuwo dihapu, ndele ngeno kapa li Agaha ngeno ohandi mu lombwele, ohandi ke mu longela onhele. Nande ohandi i ndi ke mu longele onhele, ohandi aluka, ndele handi mu ile nanye yo mu kale apa Ame ndi li." (Joh. 14:2,3). "Ndele ota feta po omahodi momesho avo, nefyo itali kala po vali ile oluhodi ile okulila ile ouyahame itau kala po vali, osheshi eshi shotete osha xula po... Ndele itamu kala oufikwi, ngaashi itava pumbwa ouyelele wolamba ile wetango, osheshi Omwene Kalunga ote va minikile." (Ehol. 21:4; 22:5). "Ndele keshe eshi sha nyata itashi i mo nande okanini naau ta longo oixuna nomunaipupulu, ovo vake va shangelwa membo lomwenyo lOndjona."

Ope na ashike ondjila imwe aike yokuya meulu. Omwene Jesus Kristus ota ti: "Aame ondjila nomwenyo; kape na ou te uya kuTate, ngeenge hamuame ta pitile. (Joh. 14:16). "Osheshi kaku na edina limwe li lili koshi yeulu, la yandjelwa ovanhu omo tu na okuxupifiwa mo." (Hand. 4:12).

OHATU DULU NGAHELIPI OKUKALA MONDJILA YOKUYA KEULU ?

1. "Efimbo ola fika ouhamba waKalunga wa ehena popei, lidilululeni nye mu itavele evangeli." (Mark. 1:15).

2. Ina komwene Jesus Kristus meilikano, ngaashi u li nomutengi woye womatimba, ndele to mu pula e ku pe ediminepo oshali. "Ndele ou te uya kuame itandi mu ekeleshi." (Joh. 6:37). "Eleni kuame nye amushe hamu longo nomwa lolokifwa, ndele ame ohandi mu pe etulumuko."

3. Itavela ashike Kalunga moluexupifo loye. "Ndele ohonde yaJesus Kristus otai tu kosho kukeshe tuu etimba." (1 Joh. 1:7).

4. Ote ku pe omwenyo waalushe oshali... omwenyo tau kelelele. Kristus

ota ti: “Ou ta udu eendjovo dange, nota itavele ou a tuma nge, oku na omwenyo waalushe, ye ita tokolwa, ndele okwa dja mo mefyo, ndele e uya momwenyo.” (Joh. 5:24). “Hano ngeenge ope na ou e li mu Kristus oye omushitwa mupe; eshi shikulu sha xula po, tala aishe ya ninga ipe.” (2 Kor. 5:17).

5. Oto ka mona mo ombili metimaumbwilifo eli. “Hano eshi twa yukipalifwa keitavelo, otu na ombili naKalunga molwOmwene wetu Jesus Kristus.” (Rom. 5:1). “Nehepaululu oleli, Kalunga okwe tu pa omwenyo waalushe, nomwenyo ou waalushe ou li mOmoma waye. Ou e na Omona, oye e na omwenyo; ou e he na Omona waKalunga oye e he na omwenyo.

OKUKALA NOMWENYO MUPÉ.

1. **Kala ho lesha Ombibeli keshe efiku.** Ombibeli kai fi ashike ouyelele mondjila yetu, ndele oyo yo oikulya yomwenyo. “Nye mu hale shili ngaashi ouhanana omashini aa omeendjovo inamu ya sha, opo mu kule keenghono dao.” (1 Pet. 2:2). Indileni Kalunga e mu yukife ye e mu honge ngeenge tamu lesha.

2. **Ehena kukalunga mellikano efiku keshe,** indila medina la Jesus Kristus. “Kaleni mu he na nande oshisho shasha, ndelenee oufyoona weni u shivifleni Kalunga momailikano nomomaindilo. Nombili yaKalunga ei i dule eendunge adishe, otai ka amena omitima deni nomadiladilo eni muJesus Kristus. (Filip. 4:6,7).

3. **Kala ho popi Kristus navakweni** “Inda keumbo kuvakweni, ove u va hepaululile Omwene nhumbi e ku ningila oilonga inene ndele te ku file onghenda.” (Mark 5:19).

4. **Ifana Kalunga momashindo** “Osheshi Oye mwene, eshi a yelekwa nokwa hongaulwa, ota dulu okukwafa ava tava hongaulwa.” (Heb. 2:18).

5. **Ngeenge wa wila momanyono, a hepaulula diva koshipala shakalunga.** “Ndele ngeenge hatu hepaulula omatimba etu, Ye omudiinini nomuyuki opo te tu kufile po omatimba ndele te tu kosho ouhenouyuki aushe.” (1 Joh. 1:9).

6. **Kendabala okukala alushe mekwatafano novaitavelli vakweni ovo va itavela Jesus Kristus.** “Oshipango shange osheshi mu kale mu holafane ngaashi Ame nda kala ndi mu hole.” (Joh. 15:12).

7. **Dulika alushe kuKalunga.** “Ngeenge ku na ou e hole nge, oye ta diinine eendjovo dange.” (Joh. 14:23).

8. **Ino tila, osheshi Kalunga oku li pamwe naave.** “Osheshi Ye okwa tya: “Ame ihandi ku efa noitandi ku fii po nande.” (Heb. 13:5).

9. **Liyandja ove mwene aushe komwene Jesus Kristus.** Mu efa a yukife okukalamwenyo kwoye pahalo laye. Konghedi ya tya ngaha oto ka mona elao lashii.

For free Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)